

## ***En Rexenerando queremos ser máis!***

#economiasocial #participación #cultura #igualdade #facilitaciondegupos

### ***Quen somos?***

Somos Rexenerando, unha cooperativa sen ánimo de lucro afincada en Ferrol dende 2014. Dende aquí, un equipo multidisciplinar de persoas desenvolvemos proxectos arredor de tres eixos de traballo: igualdade de xénero, participación social e cultura.

Aspiramos a ser unha entidade de referencia no traballo con grupos e comunidades no marco da economía transformadora, con vocación de contribuír á construción de comunidades máis resilientes, democráticas e xustas. Ao tempo que soñamos con termos unhas condicións laborais dignas para nós e para toda a rede que nos sostén. Traballamos cos seguintes principios e valores compartidos e que procuramos que se manifesten en todo o que facemos:

- Feminismos e fomento da equidade
- Respecto á diversidade
- Recuperación das memorias subalternizadas
- Creación de espazos para as voces marxinalizadas
- Democracia profunda
- Defensa da nosa lingua e culturas propias
- Sustentabilidade ambiental e vital
- Compromiso e honestidade coas persoas que traballamos
- Innovación e mellora continua

Se queres saber algo máis do que facemos, podes consultar a nosa [web](#) e os nosos perfís en [Facebook](#) e [Instagram](#).

### ***Que estamos a buscar?***

Para reforzar o noso equipo de traballo neste ano 2022 buscamos unha persoa implicada, que complemente os nosos saberes, que comparta a nosa mirada, da que poder aprender e coa que reforzar o noso proxecto a medio prazo.

O perfil profesional e académico ideal sería o dunha **técnica de proxectos, licenciada ou graduada en ciencias sociais** (socioloxía, políticas, educación social ou afíns) e experiencia na coordinación, deseño e desenvolvemento de políticas públicas, proxectos, socio-educativos e procesos participativos. É importante tamén contar con carné de conducir, coche propio e dispoñibilidade para desprazamentos.

A transversalidade do principio de igualdade é moi importante nos nosos traballos polo que contar con **formación regrada en igualdade de xénero** e perspectiva feminista é fundamental. Ademais, requírese unha boa expresión oral e escrita en galego e o uso dunha linguaxe inclusiva.

En definitiva, a persoa que encaixará no noso equipo será unha persoa versátil e con motivación, con experiencia na xestión de proxectos, con capacidade e interese tanto na investigación como na

intervención e no traballo con grupos. Unha persoa con enerxía e resolutiva, creativa e con capacidade pedagóxica, así como formada en técnicas e ferramentas de xestión grupal ou, polo menos, con vontade de formarse nese ámbito.

## ***Que agardamos de ti?***

Unha vez incorporada ao noso equipo contaremos contigo para a execución dos proxectos que temos en marcha, fundamentalmente relacionados coa **participación cidadá** (atención a entidades asociativas; elaboración de propostas de actividades; preparación e facilitación de asembleas; investigación participativa; elaboración de informes, etc) e a **igualdade de xénero** (coordinación de proxectos; elaboración de plans; deseño metodolóxico e de contidos; obradoiros en centros educativos e sesións de formación para familias, etc.)

## ***Que podemos ofrecer?***

- Incorporación inmediata
- Contrato como educadora social e salario segundo Convenio de Educación Social
- Xornada completa (34 h.)
- Contratación indefinida cun período de proba de 6 meses
- Posto de traballo presencial, no noso local en Ferrol, na rúa María, 94. En todo caso e sempre que os proxectos o permitan, parte da xornada podería ser de teletraballo.
- O noso horario é de 9.30 a 14.30 luns e venres, e de 9.30 a 14.30 e de 16.30 a 19.30, martes, mércores e xoves. En todo caso, e con flexibilidade, este horario acostuma a sufrir cambios para adaptarnos ás necesidades dos proxectos.
- A oportunidade de incorporación a un proxecto de economía social
- A participación en proxectos para a transformación social nunha entidade con valores
- O coidado nos procesos internos de traballo, con atención a xerar un bo clima laboral

## ***Como enviar a túa candidatura?***

Se pensas que podes encaixar no noso equipo, fainos chegar a túa candidatura por medio do seguinte [formulario](#). A **data límite** para a recepción de candidaturas é o **mércores 23 de marzo ás 14:00 h.**

Tras unha primeira fase de valoración de curriculum, contactaremos con aquelas persoas que pasarán a unha segunda fase de entrevista persoal.

Grazas polo teu interese. Manterémote informada da evolución do proceso.